

中冊 慶賀 哀輓

古今聯語彙選四集

上海商務印書館出版

慶賀二

✓ 顧姓谷先生丁酉年爲秦闡同考官迨撤棘士民

請絜治壽觴衍燕爲樂適是科箬錄門籍者越

疆請謁亦與斯會卽席撰句以示座人云

五度李桃榮奉袂喜聞新貴至 四郊棠

黍茂攀帷剛迓舊官回

又聯

羣彥偕來遲爾更開燒尾宴 使君戾止

問渠果賦捋髭書

又顧姓谷先生由耀州牧量移河上其子儒基

亦由京秩補官瀋陽值壽辰中官中並治

具款賓習爲故事姓谷自題聯云

換縣不辭勞由宜陽泥陽嶢陽至於治水

古今聯語彙選四集 慶賀二

之陽十年小宰 躋堂眞善頌歷稀壽壺

壽耄壽直以期頤爲壽百歲大齊

又聯

朋盍尙如新憶廿年折聖生徒淮 淮北

宦遊殊不惡看兩地稱觥父老關東關

西

又丁亥孟春顧姓谷先生將之秦范蔭堂君招

之飲適蔭堂諸子爲蔭堂稱六十觴姓谷祝

以聯云

計公懸弧之辰長余八年後余一日 爲

我祖帳於此別君千里思君平生

又姓谷先生之同年葉莊甫中翰周甲齊眉尊

甫惺齋徵君齒逾大耋援古者恆言不稱老

古今聯語彙選四集 慶賀二

之義子姓稱觴堅却弗御姓谷壽以聯云

石建蒼顏歸謁私邸 孟光高髻偕隱深山

又姓谷先生與子儒基弟曾燦同登光緒癸未

進士歷官陝西宜君郃陽等縣知縣其七十

雙壽又逢太后聖誕是年孫亦入泮撰聯云

十月先春聽衢巷歌聲國大慶歲大熟
百年偕老看門閭喜氣孫能讀子能官

慈利田東谿金楠壽朱貞白兼成室聯

勝地當九渡仙樓請與譌訂道元詩賡子
壽 名家有百梅吟草好將餌分綺里樂

傲林逋

貞白著有百梅吟草

二

又壽夏芳圃知事之父母聯

爲民父母壽大父母 于今耆英見洛耆英

劉嘯園壽洗雪畊大令寶翰聯

老大猶強日日著書娛晚景 古稀未艾
年年酌酒醉重陽

儀徵方子穎觀察東甌時有平陽某廣文於九月
初八日七秩壽辰乞觀察爲壽聯觀察爲聯云

苜蓿筵開今年剛七秩 茱萸酒熟明日
卽重陽

海陵王子實太史壽晏同甫聯云

獨掌蓬山稱廿一科翰林前輩 重遊泮
水攜十二齡文學曾孫

馮秉卿觀察帶防營四十生日梁鼎芬祝以聯云

阿廣陵四十如此 范將軍六千相從

丘菽園先生用宋人詩壽王友竹君四十初度聯

云

風俗因君厚 文章到老醇

原注云友竹自甲午以來日以詩酒自娛不求聞

達窮且益堅當道重其爲人往見常不可得

某君賀人五十壽聯

數百歲之桑弧過去五十再來五十 問

大年於海屋春華八千秋實八千

湖北有馮姓者其祖父母年俱八十孫子孫女俱

能文章王君保式壽以聯云

大父得壽大母得壽大德自來天壽 孫

古今聯語彙選四集 慶賀二

子能文孫女能文孫謀畢萃人文

楊增新壽江西鄒匯川聯

應世生尼山後一日 談天識瀛海大九

州

鍾遇賓侍御孟鴻賀黃允初封翁聯

五經在笥書香以溢 千頃之陂福澤所

涵

蕭幹壽蕭篠泉紹渠觀察聯云

是俠是儒是仙佛 多富多壽多子孫

無錫錢子潛基博兄弟爲其太翁祖耆先生開七

十觴嚴堯卿毓棻代某祝以聯云

蘇老泉以文學教二子 王拱辰會耆英

前一年

古今聯語彙選四集 慶賀二

又孫子遠靖圻聯

雄文令子兩蘇氏 耆舊商賢一老彭

又錢子瑞麟書聯

刊家乘揚祖德清芬緱氏山高天壽一鶴
有才子爲儒林振藻平輿淵近吾怖二

龍

無錫孫季芳老人其誕辰爲百花生日嚴堯卿毓

棻集石峪金剛經字爲聯壽之云

讀書空山無過卽壽 此老生日有花皆

香

宜興有李翁以經營山地種樹起家其六十壽辰

吳江沈穎若昌直壽以聯云

食柑十年遐不壽考 種竹千个比之封

君

宋章申公之父年七十八時偶食柑而美命收核
種之後公竟食柑十年而終見何蘧春渚紀聞

又代某君聯

祝遐齡如耳 盡地力繼慳

某君壽江津鍾肇西五十聯云

富貴小神仙鶴算龜齡尙餘一萬八千日
耆英大宴會鸞車虎瑟共游三十六諸

天

遵化孫少琴大令汝霖壽路蕙圃學博聯云

恆山維高多壽者 泮水思樂見賢人

楊君千里之尊人甦民先生六十壽聯

梅鶴雙清處士長壽 蘇幕一闋賓筵載

庚

丹徒趙曾望之姑丈李季棠先生召猷有忠厚長者之稱以附生爲江寧教授七十生日曾望壽以聯云

夫子其儒服寬裕有如此者尊讓有如此者
先生何許人無懷氏之民歟葛天氏之民歟

又聯

天下有達尊三輔世長民年以七十矣
君子之所教五成德私淑壯者幾千人
又壽汪己山大令七十生日聯

絕口不談天下事 此身常作地行仙
徐淮生代楊臨齋壽汪次巖七十聯云

古今聯語彙選四集 慶賀二

兩家子弟祝共享期頤我已八十君方七十
每歲嘉平爲如來生日想是前身化作後身

汪以十二月生日與楊爲兒女親家

陳展騏賀楊碧堂先生六十一歲壽聯云

門有三千弟子 人如六一先生

江津鍾耘紡祖芬壽某中營遊府聯云

東川爲木宿分躔檠戟遙臨太史奏老人
星見 西蜀惟巴江扼要中權坐鎮天子
遣上將軍來

又壽賴某父七旬聯

養氣七旬餘是神仙不願神仙其貌野其
服鄉其性樸嗇其品屬夏鼎商彝君子以

五

爲古 游心三界外素貧賤行乎貧賤所
業耕所志讀所好吟咏所居當廉泉讓水
國人皆曰賢

福州鍾壽若太史大椿於館選後卽絕意進取性
倜儻風流自喜五十生日薩謙臣茂才壽以聯
云

荔枝時節逢初度 蝴蝶風流過半生

福州薩謙臣茂才祖型工楷書精入二王之室其
五十生日王小希先生崧辰祝以聯云

願祝大椿八千歲 愛臨小楷十三行

有同祖兄弟三人少相狎長相友又相善也問其

年皆七十矣同日懸弧且又皆夫婦偕老無錫

孫叔和太史鼎烈題其中庭聯云

偕老比伯鸞 齊年亦三鳳

富順陳蓉舫廣文四十生日及門吳極子用查初
白句爲聯云

來參講幄三千士 及聽聲華四十年

又聯亦用查初白句云

氣吞湖海豪猶昔 老閱滄桑骨已仙

楊雪滄中書浚壽劉炯甫先生存仁聯云

聖朝繇壽耆 循吏屬詩人

林椒辰大令履端以名進士官江西知縣年未五

十歸田六十壽辰係正月初一日薩寄農大令

祝以聯云

星輝南極歲之始 雨足西江雲自閒

林弼廷祝王子鏞六秩雙慶聯

司馬甫耆年文酒祝釐末座同參眞率會
伯鸞有德配布荆偕老上頭雙耀少微
星

拙厂壽孫越樵先生七十聯云

雲水暝盟續興公遂初賦 花石麗矚樵
君實獨樂園

原跋云外舅越樵先生遊燕薊垂四十年庚戌冬
旋里知桑海將更遂不復出杜門却軌罕問世事
比於居室西旁拓圃畝餘雜蒔花果溉引新泉饒
有清逸之致今春七十初度爰本斯旨綴以小語
媿一觴焉

又壽董竟吾先生六十聯云

挹小舜江清澂甘同菊水 有大吉樓閣

古今聯語彙選四集 慶賀二

富香溢芸籤

頑佛聯話云余在衡陽道幕適值林治伯道尹四
十晉一誕辰衡俗重晉秩故地方紳耆相集爲
壽弗能却也燕會之盛極於一時余撰堂聯云
願偕廿四縣人民祝共和萬歲 再假六
十花甲子慶大壽百年

衡轄二十四縣林公則以永州獨立擁護共和之
功簡授是職

岳陽李洞庭君澄宇壽曹仲珊錕聯云

關克娘子江靖楊子有功不朽 書法襄
陽福媿汾陽俾壽而臧

曹嘗克山西娘子關又嘗爲長江上游警備總司
令治軍餘暇輒臨米帖

又壽張柏生團長聯

與子同袍與子同澤 式燕以衍式燕以

敖

又聯

春酒共平原十日飲 海風乘博望萬里

槎

又代某聯

不忘少同里長同澤 相期萬人敵千仞

岡

又代某聯

看劍引盃爲此春酒 上馬殺賊與子同

袍

馮光九熙宇祝其族兄少鴻八十壽聯云

與如來齊年學界應尊金頂佛 昔東坡
生日穎濱曾觴白髮兄

麟厂聯語云今歲正月吾里林君虎侯楊君經筵

俞君仲遠等發起丙寅同庚會於邑之城內公

花園多壽樓曹衡之君銓贈以聯云

祝丙寅同年共臻於上壽 屆乙卯正月

大會乎公園

原注云曹君非會員是以有祝丙寅同年之句

喻志韶榜眼壽潘蘭史徵君六十聯云

鴻文椽筆 碩學者年

王溫如壽李亦新四十生日聯云

南屏弦歌西平門閥 東山絲竹北海壺

觴

李曾任上饒知事風流自喜酒量尤豪

又集句聯

自說醉翁聊戲客

歐陽修

要知石友許忘年

黃庭堅

歐詩我年四十猶強力蓋作醉翁亭記時歐年適

四十也

廉南湖先生五十雙壽孫寒厓賀以聯云

百年福德齊眉壽 一佛歡喜出世新

原註云下聯人多不解所謂蓋南湖姬人寺井春

野女史日本神戶女學院畢業生年三十初信基

督教自識南湖後日課楞嚴尤喜寫妙法蓮華經

通漢文好音樂任南湖東文書記芝瑛夫人亦愛

憐之納爲側室旋即有身丙辰避暑有馬山在中

古今聯語彙選四集 慶賀二

權現坊旅館產一男南湖東遊續草有權現坊題
壁詩記其事

杭縣徐仲可先生五十生日海內名流以詩爲壽

者甚多予集定公詩成八絕友人囑代撰聯予

用朱古微先生集句爲聯云

臥龍雛鳳每比戶 昌谷樊川各一家

仲可來滬以後遷寓十有三次近與莊君伯俞比

屋而居伯俞今年四十初度近來頗喜作詩

又番禺許荅西炳榛聯

是東海神仙誕生與子偕老 喜西湖梅

花同壽如日方中

又王念曾集劉須溪王邁程正同方秋崖朱好

山趙青山詞句聯云

九

如瓜大棗海上歸來好是佳日稱觴斑衣
拜舞 昨夜長庚江南春早便合開懷隨
意樽俎從容

又閩侯黃秋岳秘書濬集玉谿韓碑字聯云

歲星仙氣原方朔 璧月新詞是義山

又王蓴農聯

偕老百年共少君乘白鹿車以隱 舉觴

一笑看孺子舞紫鳳衣而來 新六將還
泥稱紅

湯頤瑣寶榮壽高夢旦五十聯

壽比佺喬百年始半 名在教育三立已

全

又王蓴農聯

長樂三龍光騰雷尾 謂
益
也

寥天一鶴

詩有仙心

王君蓴農云友人稽景修爲吾鄉稽相國之曾孫

九月初四日爲其太夫人祝壽其封翁以教授

推一鄉碩望景修亦有文名書來徵文蓴農壽

以聯云

大兒孔文舉製鸚鵡杯作鵲鴿舞北海尊

開先重陽四日 人師賀德基書白練裙

齊青玉案南陔春永歌束皙三章

又壽莊君伯俞四十初度聯

南溟三千文傳蒙叟 廬陵四十自號醉

翁

朱幼鴻五十雙壽聯

小按霓裳消我塵土 兩枝玉笛長命鴛

鵞

楊方嶽賀蕉嶺某百歲聯云

五福壽無雙閱歷清朝三萬六千日 九

重恩不再開闢蕉陽一百四十年

蕉嶺原名蕉陽某百歲時蕉陽僅開闢一百四十

年

劉秋湖賀某翁九十聯云

漫道世間難逢百歲 且看堂上再過十

年

陶會嘉壽六旬無子者聯云

兒孫不在五福中莫爲男丁頻搔白首

春秋當以八千計暫周甲子又是青年

某君爲其封翁慶百齡冥壽某君撰聯云

古今聯語彙選四集 慶賀二

孝子有餘慕 神仙不計年

錢塘丁修甫中翰立誠壽品照上人五十聯

具金剛力堅菩薩心處塵世歷百千萬劫
不壞 結山水緣無香火氣在吾儒知四

十九年之非

又壽聖因寺住持法輪上人五十聯

一瓣奉心香惟聖有因中天近傍九霄月
百年半塵事與佛同壽福地永護孤山

雲

又壽本應上人七十聯

飛錫駐西江好木宗風佛壽無量基七十
傳衣演南海落茄法範人天有幸證三

千

古今聯語彙選四集 慶賀二

北固山某寺住持八十壽辰或爲聯云

住持第一江山問長老幾生慧福 游徧

大千世界知壽星卽是如來

高俊譽祝金山寺僧青權七十壽聯云

古佛再生十方供養 名山一席千古因

緣

任澹園壽瀘縣星雲上人四十壽辰聯云

者個頭陀有點來由四十年中好結交名

士才人劍仙羽客 平生和尚作些甚麼

三千界外愛賞玩梅花楊柳古畫奇書

李松雲六十自壽聯

三館六曹十七科競稱前輩 一官萬里

二千石遂老斯人

十二

閩縣林穎叔方伯七十自壽聯

身歷四朝全盛日 老爲一代等閒人

王拾珊孝廉爲菽園方伯令子八十自壽聯云

儘多戚友荒園草 太好兒孫石井澗

錢塘丁修甫中翰立誠六十自壽聯

一生多是命安排四十五十無聞六十年

華今已到 萬事明知自消滅三千大千

悟徹八千書卷不重回

康南海六十自壽聯

傀儡曾遣登場維新變法遍嘗險艱廿年
出奔已矣中間灰飛劫易幾閱滄桑壽人
笙磬忽聞北海歸來如夢幻 歌舞幾經
換劇得失興亡空勞爭攘一世之雄安在

短時煙消霧散徒留感慨老子婆娑未已
東山興罷整乾坤

吳悔晦先生六十自壽聯

風雲搏搏匪競卽爭世界搏搏匪冤卽親
天若有情化競爭使大同冤親使平等
過去種種曰貧與賤未來種種曰老與病
吾亦何懟喜老病可弛力貧賤可驕人

孫師鄭先生己巳七月十七日生日自述七律五

首其末章云處世略參夷惠意降生介在鄭王
間自註云鄭康成生日爲七月初五王伯厚生
日爲七月二十九前後均相去十二日也並有

自壽聯云

儒術受黃定海俞德清之教文章受李高

古今聯語彙選四集 慶賀二

陽翁常熟之知溯四十年來師友淵源舊
學商量懷昨夢 作宦與畢茂世韓退之
同官降生與鄭康成王伯厚同月留一百
餘卷叢殘著述遺經獨抱愧先民

王德三五十自壽聯

內無德外無才並無好無惡無是無非更
無點些些產業直弄到無米無柴五十載
光陰荏苒 老有母長有兄並有妻有女
有子有孫還有個小小功名也算得有福
有壽兩三代骨肉團圓

章新嚴雨徵孝廉自壽聯

樂在其中尙不愧于屋漏 老之時至猶
未免爲鄉人

十三

古今聯語彙選四集 慶賀二

商境黃楓亭觀察五十自壽聯

已歷萬八千日先生醉乎未也 追思四十九年吾子過矣非歟

山陽黃心如明經以恕七十壽辰閉戶謝客並集

句爲聯云

以閒爲自在 將壽補蹉跎

江津鍾耘紡祖芬之父六旬承命撰聯云

自慚一世虛生不堪劉季萬錢賀 難得六親共聚願作平原十日留

某君五十自壽聯

詩酒煙花百年過半 妻財子祿四大皆空

哀挽一

某君挽衍聖公聯云

冠五等侯伯之封白馬朝宗日月中天光
甲子 望二陵風雨而返蒼龍戀闕春秋
絕筆魯庚申

丁雨生挽舊友陳叔三聯云

撒手竟何之念半生詩酒誤人再世勿留
才子氣 一官今已矣賸八口妻孥累我
重泉忍負舊交心

瀘縣萬慎子慎挽中江李眉生方伯聯云

爲先朝曾文正特賞眞才回憶金陵浪激
鐵甕城高油幢大纛劇縱橫上馬擊賊下
馬作露布 是君家李謫仙一流人物迄

今吳苑草荒蘇臺花落紅粉青衫都寂寞
舉頭望月低頭思故鄉

又挽梅光廷孝廉國賓聯

天荆地棘行路難回憶驅車入洛脫幘登
臺短小精悍是游俠傳上翁伯一流盍歸
來乎乘輿南還且做個吳門市卒
山高水遠無家別迄今志切聞鷄術窮屠
狗慷慨悲歌於燕趙之士董生有合啜其
泣矣望風西笑忍再提黃公酒爐

又代某君挽鄧竹虛司馬聯

十年宦夢熟江南回憶伯鸞塚畔季鷹祠
前詩豪名士合蠡官草長鶯飛老子於斯
興復不淺 五載壯游歌冀北迄今望諸

古今聯語彙選四集 哀挽一

二

墓旁黃公壚下弔古懷人兼感舊山高水
遠風流頓盡吾誰與歸

又代某君挽楊潤生聯

纔向冉駝荒徼外行行歸來回憶述鹽鐵
論話風俗通鬚如蝟嵒眉如稜翼鑠哉是
翁其豪氣在陳登高臥百尺樓以上
幸從阿房焦土中絜絜而出那堪池魚殃
消鵬鳥賦作人似雞棲馬似狗踉蹌兮大
別最關情是崔嵬插架五千卷之書

吳有倫挽沈森甫聯

偉略佐中興睥睨浮華肯以簪纓誤泉石
平居瞻雅度從容撰杖每懷警款愴人

陳寶琛挽周辛仲先生聯

俠骨儒心若入史家真獨行 通才厄遇
不應天道竟無知

又謝章鉞聯

兩世交情意氣崢嶸名父子 三年講學
神光離合老師生

又陳贊圖聯

是真教諭是真孝廉狷介有父風沒世無
慚循吏後 由他窮厄由他謠詠艱難爲
己任立心不受上官憐

又魏瀚聯

冷官活十萬生靈好留肝膽照人社祭春
秋傾瘴海 遺行在羣公口頰况有文章